

鎮東縣志

420.93  
42  
214



鎮東縣志

陳占甲題



鎮東縣志

題簽

鎮東縣志序

東北蒙邊平原亙數千里積潦巨泊又往往匯成河流環繞四境水草豐美重以鐵軌縱橫交通日便誠能土地闢田野治量地以制邑度地以居民則一年成聚二年成邑三年成都固不難控邊陲以成重鎮化沙漠爲上腴凡邊邑新設治者皆然而洮昌道屬之鎮東縣其尤著者也按鎮東設治經始清季迄今已將二十稔綜計全境生荒四十九萬晌墾熟者十分之一止五萬晌升科地約可得半數實鈔特殊成績雖曰進步遲蹇然亦由於蒙疆多事萑苻俶擾故墾民猶觀望不前甚至撩荒而去進寸退尺厥爲一大原因近年匪氛漸熄又經今陳邑令冠一繼前任陳張兩知事設法招徠實行催墾乃始稍稍收效加以四洮洮昂兩路已次第通車運輸便利戶口日臻繁盛環顧荒涼寂寞之洮河流域忽呈一種方興未艾之象焉毋亦天不愛道地不愛寶之時機已至歟抑亦得人則治之效也邑因洪荒甫闢

初無文獻可徵歲丁卯陳令適以新編縣志稿本呈進覽其大畧不過畧記筆路藍縷之跡然尙得體要足資參考此後苟能循是踵事增華百廢具舉務盡美善則西北各邑必有聞風興起者不出數年行見內外興安嶺之間悉成沃壤奧區通都大邑旣庶且富又烏能不以此邦爲模範斯帙爲嚆矢也耶吾序此志蓋尤不勝厚望焉爾

中華民國十六年七月雙城莫德惠撰

粵稽禹貢兼詳物產周官備列職方後世書志遂昉乎此秦漢而後史書傳紀各有專指迄  
宋之嘉定中永嘉蔡範甫作黃岩志歷陽李瞻作旌川志縣之有志日以繁興何莫非胚胎  
於禹貢周官之遺意歟洮昌道屬之東北有鎮東縣在昔爲蒙古地前清宣統元年始設治  
有司對於開榛闢莽敷政移民日不暇給而縣志尙付缺如民國十五年秋陳令冠一蒞任  
斯土孜孜以修志爲急務廼以地處蒙疆而耆儒宿學寥寥若晨星遂毅然與襄平周君祚  
濱從事編輯五月而書告成因予之掌是道也遂請序於予予固不文及閱其所編別類分  
門敘述徵引瞭如指掌與禹貢之列物產周官之列職方稱詳備焉存之爲一縣之典章推  
之爲國史之實錄不圖葺爾鎮東一縣遽有此志乘哀然成帙遂不禁欣然色喜焉曷爲而  
可喜以其成之速也曷爲而喜其成之速以鎮邑之開化遲而文助之力薄也任事莫難於  
圖始則鎮東有志雖一時文獻之不足徵將來土地闢治理臻文化興人才出當必以此爲  
先河之導云爾遂樂而爲之序

奉天洮昌道尹戰滌塵撰

序

鎮邑幅員廣漠無垠其山川之形勝物產之殷繁如不彙集羅列不但無以公諸國人即同省或本縣之人亦將指顧茫然滄桑莫辨矣此縣志之應編者一也鎮邑設治未久既經蒙亂又值水旱民戶遷徙流離視居室如傳舍棄膏腴爲荒田前此則人稱素封未幾則家徒壁立其遭逢之危厄狀況生活之困難情形置之日久不無遺忘此縣志之應編者二也縣境鄰近吉黑壤接梭倫當東蒙之中心爲奉省之門戶西北邊防此爲重鎮今日政教雖略具雛形而他日之發達可以預卜設前人久而不傳其迹則來者將何以溯其原此縣志之應編者三也近自洮昂路成南連四洮北接東鐵可使內地之墾民北來邊陲之物產南運將見吉黑之貨賄輳於一隅以表見東蒙之精華而本邑實居洮昂路之中心其農商之發達寧可計及此縣志之應編者四也尤有令吾人爲猛烈之注意者即自洮昂路成截東鐵

爲三段一旦與俄人發生國際衝突一面防堵北滿一面進自洮昂則東鐵已成無用之物故擬築此路時俄人即爲極端之反對是今日之本邑又爲軍事之要隘矣此縣志之應編者五也占甲於民國十四年冬來宰是邑見滿目荒涼益關心民瘼既籌防患之策尤思招徠之方蓋所以安輯而誘掖之者尙未遑也然既感縣志有編纂之必要復奉省令催送志書已不容或緩遂於百忙之中與邑人商榷實行編修委周渭賢爲編輯員自十五年十月起始期止五月書已告成時雖倉卒事尙足徵後之賢者倘能即此而增減損益之俾是邦之政俗軼聞得流傳於不朽是則尤爲占甲所欣幸禱祝者夫是爲序

中華民國十六年三月 鎮東縣知事陳占甲譔

序言

鎮東縣原屬內蒙古科爾沁右翼後旗鎮國公封地清宣統元年始行設治今僅十八寒暑歷任大令均以政多草創事極簡單且災患連年悵惶終日已無暇圖繪山川蒐集軼聞從事於志書之編纂矣迨陳公冠一來宰是邑勵精圖治擘畫周詳凡事之可行有益於民生者無不盡先施行惟各縣咸有志書之製以傳不朽而鎮邑無聞恒引以爲憾焉遂於民國十五年秋招集邑紳會議提倡修志議定款由各區紳富捐募書則函聘邑人編修嗣以編輯一席久無應者乃改委涓賢承乏涓賢既非邑人來日又淺且自知學識庸愚曷克勝任奈百辭莫獲卒勉爲其難自是年十月十日起始調查外則委之各區內則囑諸紳董涓賢則終日埋頭案牘翻閱卷檔暇則訪詢耆老手抄筆畫博採旁搜期止一月即從事編纂規定門類爲五分五卷合訂四冊至十六年二月底勉強蒞事其中謬誤遺漏之處在所不免

惟望鎮邑賢俊急起更正而改纂之非涓賢一人之幸亦鎮東一邑之幸也故述原委以爲

序

中華民國十六年三月 襄平周涓賢謹識

鎮東縣志

修志姓名

監修

鎮東縣知事 陳占甲 冠一甫

編輯

襄平 周渭賢 祚濱甫

校定

鎮東縣科長 郭中怡 靖紛甫

調查

鎮國公旗印軍壽明 阿玉亭甫

鎮東縣志

姓氏

六

教育公所所長 呂殿卿 澤民甫

公款處主任 盧學海 濟川甫

教育會會長 馬玉璞 子崑甫

商會會長 蘇桐貴 翔岐甫

農會會長 韓福 子儒甫

邑人 王多文 翰忱甫

邑人 林玉書 樹棠甫

警察第一區區官 何文崇 季高甫

警察第二區巡記 鄧銘勳 懋忱甫

警察第三區巡記 高向陽 景新甫

警察第四區巡記 曾萬齡 壽山 甫

警察第五區巡記 蔡世有 喜豐 甫

翻譯

邑 人 方 有 德 恩普 甫

膳錄

邑 人 王 慶 喜三 甫

鎮東縣志

例言

- 一 鎮邑於民國元年遭逢蒙亂卷檔被毀蒙族北徙以前公旗狀況及雜居情形均不可的考僅就採訪所得之傳聞翻檢近存之公牘編輯成書凡五卷
- 一 地理志對於星野妄誕之說概行刪除僅詳載山川疆域分述區劃交通書城鎮之建置別物候之宜違惟邑本荒區向無古蹟金石故暫從闕
- 一 本邑設治意在移民實邊荒惟恐其不領領惟恐其不開對於招墾催墾歲有所聞故特志荒務以便詳述
- 一 設治未久政務簡單設治員及縣知事僅歷十任均以災患頻仍人煙寥落而舊弊雖已剔除新政尙屬草創故所志政治在昔從略近今稍詳

一 邑屬邊荒蒙漢雜處戶口稀少農工商業均未發達今雖人事稍繁而禮俗仍多簡陋故所志人事概行從實編列

一 邑中人物對於節孝尙無聞焉僅述鄉宦用作模型編錄將選義勇以彰功績至科第一項雖無科舉尙有學校畢業者中學以上諸人似宜概予登錄但以考查無自姓名碍難週知故僅表列大學及留學生以勗來者

一 本邑設治既晚開化亦遲讀書學子雖不乏人而於著作尙無所見至郭前知事恩波德政碑文亦非邑人手筆僅附於政治志政績之後以資參考故藝文一志暫從闕焉

一 各區村鎮原多蒙古名意茲特譯成漢名務求見而醒目惟各篇所述仍用原名以便互證至溝渠名稱則純譯漢意俾免混淆

一 採訪事蹟以急待編纂期止一月自十五年十月起至十一月止故茲編所錄均十五

年前事蹟十六年者概不涉及



鎮東縣志目錄

卷一

地理

位置

幅員

邊界

區劃附區村表

山脈

河流

城基

鎮東縣志



目錄

十

鎮基

道路附鐵路

物產

氣候

卷二

荒務

荒務局

原放

續放一

續放二

續放三

墾務

招墾

催墾

驗照

田畝

卷三

政治

沿革

政績



教育

警察

保甲

財賦

選舉

司法

監獄

防軍

電報

郵政

電話

隄工

卷四

人事

民族

蒙亂

戶口

農業附苗圃

商業附幣制度量衡

醫業



宗教附祠廟表

禮俗

卷五

人物

鄉耆

鄉宦

將選

義勇

氏族

科第

鎮東縣志卷之一

地理

位置

幅員

邊界

地勢

區劃

山脈

河流

城基

鎮東縣志



卷一目錄

鎮基

道路附鐵路

物產

氣候

地理

體國經野輿地以肇其基此界彼疆江河乃成天限山澤烈焚驅猛獸而遠徒徒驅輪疾轉載  
文化以俱來物產豐饒氣候溫煥誠非瘠壤實爲奧區故我鎮邑古雖化外未列於禹貢九  
州今則寰中已濟於雷封百里惟地與世移勢隨日變凡域中之形形色色實不容忽視者  
也述地理



### 位置

縣境位於東三省之西部當奉天全境之西北隅其地成無柄之鉞形以其居蒙古科爾沁右翼後旗鎮國公封地之東部故設治後定名爲鎮東縣

### 幅員

縣境之幅員南自北緯四十度零四十四分之好門昭洮河岸起北至北緯四十一度零二十六分之馬鞍山北蒙邊止西自東經六度二十五分之蒙邊小山起東至東經七度零十四分之烏叉干洮河岸止東西廣約百七十里南北長約百十里全面積約一萬二千餘方里

### 邊界

縣境地處極邊西北接近蒙疆東北毗連江省西南與洮安爲鄰東南隔河與安廣相望試

鎮東縣志

卷一 地理 位置 幅員 邊界

二

### 分段記錄如次

西北 鎮邑設治之初西北境原與鎮旗烏鴉站接壤自清宣統三年及民國四年先後續放烏鴉站及馬鞍山荒地復與鎮旗公府左近荒地毗連年來雖有擬放馬鞍山鎮基設鎮北縣之議然鎮基已放而設治之舉尙未實行故一望無垠之荒區仍歸本縣施治至縣境與鎮旗此疆彼界之分亦無詳確之勘定惟自鎮旗公府迤邐而南至五龍山又西經敖蘭套拉稿山至小山其間亂山環繞峯巒起伏實天然之界劃也

東北 自五區大戶拉北起南至大龍索口止與江省之泰來爲界復曲折而南至二區烏叉干止與江省大賚爲界彌望平原無天然界址惟民國元年夏因扎鎮兩旗爭界後經道縣及哲盟長派員勘劃築大峯堆爲界焉

西南 自四區之西葛連昭西南起至三區海力巾洮河入境之地止與洮安爲鄰亦中築

峯堆爲界焉

東南 南自三區海力巾洮河入境之地起曲折東北行至二區烏叉干洮河出境之地止  
與安廣爲鄰中隔洮河亦天然之界劃也

地勢

縣境地勢西北高而東南低下西南東北則彌望平原有地可耕無險可守陸路則中貫軫  
軌南連四洮北接東鐵水路則南瀕洮河上溯索倫下通松嫩誠四達之區非守隘之域本  
邑今後之地位可知矣

